



## Universitätsbibliothek Paderborn

**Gallia Vindicata, In Qua Testimoniis Exemplisque  
Gallicanæ Præsertim Ecclesiæ, Quæ Pro Regalia, Ac  
Quatuor Parisiensibus Propositionibvs A Ludovico  
Maimburgo, Alijsque producta sunt, Refutantur**

**Sfondrati, Celestino**

**[Ort nicht ermittelt], MDCLXXXVIII.**

2. Falsóq[ue] supponi ad ea jura, quæ nec præscribi, nec alienari possint,  
pertinere.

**urn:nbn:de:hbz:466:1-38277**

etiamque deberi sibi vellet, nec alio titulo, quam cœlestis cuiusdam privilegij, quod nec probare posset, nec exhibere? Hoc Galli fecerunt.

II. Opponitur 2. Jus Regaliæ nec alienari à Regibus potest, nec ab alijs præscribi; pertinet enim ad jura Coronæ, quibus renuntiare Reges non possunt, adeò ut ne juramenta valcent, quæ hujusmodi alienationibus confirmandis adhibentur, ut Innocentius III. in celebri sua Decretali (a) definivit; nullæ ergo Ecclesiæ aut privilegio, aut præscriptione, quo minus Regaliæ subjaceant, tueri se possunt.

¶ In hac argumentatione duæ propositiones afflumuntur, quarum utraque fallax; saltem in eo sensu, quem Adversarij intendunt, ut facile intelligas, quam vera sit conclusio ex falsis principijs illata. Sunt aliqua jura Regia Dignitati adeò intima, & innexa, ut deponi non possint, nisi abdicatâ majestate; qui enim jure belli, & pacis, indicendi remittendique tributi, gratias, & supplicia statuendi cederet, non Rex, sed subditus esset, nec suo, sed alieno imperio viveret; & hujusmodi jura non posse alienari ultrò concedimus: sed negamus, Regaliam tale jus esse; quot enim Reges sine hoc jure vivunt, integrâ tamen, & florente majestate? An Clodovæus, Pipinus, Carolus Magnus, aliquæ usque ad Ludovicum VII. Reges non erant, quia Regaliæ expertes? Non ergo Regalia ejus naturæ jus est, sine quo conservari majestas non possit. Sunt alia, quæ ad jus Regium pertinent, quæque in causas prophanas alienari non possunt, sed in sacras, & præsertim Ecclesiæ: quæ enim in Deum transferuntur, ejusque divinæ Gloriam propagandæ adhibentur, non alienari, sed ei, cujus alias sunt, redi centur: nec hujusmodi donationibus Regna, & æaria minuantur, implantur potius, Deo nunquam ingrato, & semper beneficijs vincente, quod exempla Constantini, Clodovæi, Caroli Magni, aliorumque fatis ostendunt. (b) Tuum Domine Regnum, inquiebat piissimus David, tua victoria, & tu es super omnes Principes, tua divitiae, & tua est gloria, & tua sunt omnia, & que de manu tua accepimus, deditus tibi.

Hæc ergo, quæ Ecclesijs, aliisque pīs causis à Regibus donata sunt, non posse revocari, certa sententia est, & à Gallis admissa;

O

hi

(a) Innoc. III. in cap. intellecto, de jurejur. (b) Paralip. lib. 1. cap. ult.

hi enim antiquos Canones venerari se profirerent, & illis libertatem suam Gallicanam, velut basibus imponunt: at Canones Concilij VIII. Oecumenici ita loquuntur: (a) *Placuit huic sancte, & magna Synodo, ut res, vel privilegia, que Dei Ecclesijs ex longa consuetudine pertinent, sive ab Imperatoribus, sive ab alijs DEI cultoribus, in scriptis, vel sine scriptis, donata, & ab eis per triginta annos possessa sunt, nequaquam quæcunque Persona secularis per potestatem subtrahat, aut per argumenta qualibet auferat. Quicquid ergo secularium contra præsentem definitionem egerit, tanquam sacrilegus judicetur, & donec se correxerit, & Ecclesiæ propria Privilegia restituerit, anathema sit.*

Idem suis Nepotibus S. Ludovicus in Pragmatica Sanctione accuratè, enixèque commendat, ejus verba sunt: (b) *Item libertatem, franchizias, immunitates, jura, & privilegia per Francorum Reges Prædecessores nostros, Ecclesijs, & Personis Ecclesiasticis Regni nostri concessas, & concessa, innovamus, laudamus, approbamus, & officiaris, ac subditis nostris presentibus, & futuriis districte præcipiendo mandamus, quatenus omnia, & singula diligenter, & attente servent, &c.*

Idem Sanctus Rex Philippo Audaci filio hæc monita reliquit jam moriturus: (c) *Cave, inquit, ne libertates, & Privilegia à Majoribus tuis in subditos collata unquam infringas, &c.* Et planè gloriosus ille Christianissimi, & Primogeniti Ecclesiæ filij titulus hoc ipsum convincit, obstringitque Reges Galliæ, privilegijs, alisque juribus Ecclesiæ ne exuant, quin potius augent, dotentque; idque majorum exemplis, quibus nunquam magis victoriæ, opésque abundabant, quam cum in Ecclesiæ profusi erant; & verò hostes tanti Regis, non amici sunt, qui omnium, quotquot in Gallico diademe fulserunt, pulcherrimam margaritam foedare aggrediuntur, Pietatem videlicet, ac Religionem Regibus Franciæ præcipuum: & perinde, ac si cum Indorum, Persarumque, non Christianissimo Rege agerent, omnia utilitate metiuntur, nulla Ecclesiæ, & honesti curâ. Ergo, ut dicebam, etiam si daremus Regaliam ad jus Coronae pertinere, non idē sequeretur, non portuimus illam in Ecclesiæ privilegio transferri, & istis præscribi; præsumtum cum Reges Galliæ eā die, quā sacro Oleo inunguntur, incinguntqne diadema, solemní Sacramento se obstringant Episcopis, & Ec-

(a) Concil. VIII. Oecum. can. 18. (b) Pragmat. Sancti Ludov. IX. de Aano 1268. (c) Joinville in Vita.

& Ecclesijs Canonica Privilegia conservandi; at verò, quod Privilegium magis canonicum esse potest, quām quod tot Canonibus, Decre-  
tisque Patrum, præsertim ultimo Lugdunensi Concilio, tam sanctè Ecclesijs assertum, & gravissimi poenis sanctum est? Regem ergo Sacrilegum faciunt potentiae obtentu. Cæterū & illud in viris eruditis, quales sunt, qui Regaliam extendunt, mirum est in re tanti momenti, & Principis animam implicante, tam levi, vano-  
que argumento niti, ut quod probare oportebat, supponere cogan-  
tur: Non potest, inquiunt, Rex jura Gallica Corona alienare, nec Ecclesia ea  
prescribere.

Demus. Atqui Regalia pertinet ad Jura Coronæ, & Reges eam alienâf-  
sent, si Ecclesijs cesserint. Atqui in hac propositione omnia supponuntur,  
quæ probari debebant. Supponitis dari Jus Regaliæ in eas Eccle-  
sias, quæ nunquam hoc onus subierunt; at hoc probandum erat,  
nam hic certatur. Supponitishoc Jus Regaliæ quoad eas Ecclesias,  
quæ haec tenus exemptæ fuerant, à Regibus alienatum esse; at hoc  
quoque probandum erat, nihil enim magis negamus; qui enim  
poterat à Regibus alienari, quod Reges nunquam possederant?  
quod ad Reges nunquam spectavit? & Ecclesiæ qui poterant Jus  
illud præscribere, quo nunquam caruerant, & quo tanquam  
proprio, innatoque gaudebant? nemo enim rem suam præscribit.  
Supponunt ergo, quæ probari debebant, & tamen velut acie vi-  
tores, servire Ecclesias jubent, cāmque Libertatem Ecclesijs adimunt,  
quam ne vilissimo possent: idque facinus prædicant Christianif-  
fimo Rege, Ecclesiæque Primogenito dignum; quod quām dis-  
sentiat ab illius pietate, nihil attinet dicere.

III. Opponitur 3. Per Concordata, seu Transactionem inter  
Leonem X. Pontificem Maximum, & Franciscum I. Galliæ Re-  
gem, Jus ad omnes Episcopatus, & Abbatias nominandi, præ-  
sentandique ad Reges translatum est, sublatis electionibus; ergo  
vi Concordatorum rediit antiqua potestas, quā Reges primi, secun-  
dique stemmatis omnia Beneficia, & pro arbitrio dispensabant, id-  
que non aliquibus tantum locis, sed toto Regno; atqui dispensatio  
Beneficiorum primum Regaliæ caput, præcipuumque constituit.

4. Hæc Ratio iterum ex falsis principijs contexitur; supponit  
enim primi secundique stemmatis Reges omnia Beneficia contu-  
lisce,